

ANTIKORUPCIJSKA
MREŽA ORGANIZACIJA
CIVILNOG DRUŠTVA

ACCOUNT



CIVILNO
DRUŠTVO
ZA BOLJE
ANTIKORUPTIVNE
ZAKONE

Fondacija INFOHOUSE ispred ACCOUNT-a i Transparency International BiH, dostavili su bh. parlamentarcima amandmane na Prijedlog izmjena Zakona o zaštiti prijavitelja korupcije u institucijama BiH.

Amandmani su usmjereni na otklanjanje uočenih potencijalnih problema u Prijedlogu izmjena ovog zakona.

Ovi amandmani, između ostalog, uređuju postupke dodjele statusa zaštićenog uzbunjivača, te uvode realan i jasan rok u kojem se moraju propisati procedure koje rješavaju status uzbunjivača i otklanjaju štetne radnje prema uzbunjivaču.

„Nije normalno da oko 29. 000 državnih službenika i službenica nikada nisu primjetili i prijavili korupciju u jednoj od 69 državnih institucija, a sva istraživanja pokazuju da je korupcija u tim institucijama najprisutnija. Mada je to s jedne strane razumljivo. Postojeći Zakon ne pruža punu zaštitu, a bh. pravosuđe i ne zna šta znači procesuirati slučaj korupcije“ – istakla je Dženana Alađuz, direktorica INFOHOUSE.

Kreiran Prednacrt zakona o zaštiti lica koja prijavljuju korupciju u Federaciji BiH

U sklopu Radne grupe, imenovane od strane Ministarstva pravde FBiH, ACCOUNT mreža je radila na izradi Prednacrt zakona o zaštiti lica koja prijavljuju korupciju u Federaciji BiH. Prednacrt je dobio pozitivno mišljenje od strane Ureda za zakonodavstvo i Ministarstva financija FBiH, te će u narednoj fazi biti upućen Vladi Federacije BiH u dalju proceduru.

Cilj Zakona jeste suzbijanje korupcije i osiguranje efikasnog sistema zaštite prijavitelja od bilo kojeg oblika ugrožavanja ili povrede prava prijavitelja koja bi mogla biti u vezi sa prijavom korupcije.

Predstavnici ACCOUNT mreže, kao i ostali članovi Radne grupe, prilikom izrade Prednacrt zakona, posebnu pažnju su posvetili preciziranju jasnih i nedvosmislenih odredbi koje se tiču samih procedura zaštite prijavitelja korupcije. Radi sprečavanja trpljenja štetnih mjera po prijavitelja korupcije posebno su propisane mjere, vrste i uslovi za izricanje mjera osiguranja, koje izriče sud na temelju prijedloga tužitelja. Radi ostvarivanja načela efikasnosti, a u vezi sa zaštitom prijavitelja korupcije, utvrđeni su kratki rokovi za postupanje nadležnih organa u cilju ostvarivanja adekvatne zaštite prijavitelja korupcije.

Osnovni cilj je osigurati adekvatnu zaštitu prijaviteljima korupcije, bez obzira da li se koruptivna radnja odnosi na javni ili privatni sektor, te obezbijediti zaštita, ne samo prijavitelja korupcije, nego i članova njihovih porodica.

Svjetski mediji ponovo prenose izvještavanje Žurnala

Istraživački tekstovi magazina Žurnal odavno su prešli granice BiH. Otkrića Žurnala [o formiranju paravojnih jedinica u Republici Srpskoj](#), [vezama Milorada Dodika i Putinovih Noćnih vukova](#), te [aktivnostima organizacije Srbska čast](#), ponovo su zavrijedila pažnju i svjetske javnosti. [Žurnalove tekstove prenijeli su svjetski i regionalni mediji](#): britanski Guardian, italijanski Il Piccolo, Al Jazeera English, holandski NOS, u Hrvatskoj Jutarnji, Večernji list, Index, u Srbiji Blic, B92, Kurir, Mondo, RTS...

Novinari Žurnala su izvještavali i o tome [kako je sarajevska Općina Centar bez kriterija podijelila stotinu stanova](#), [zašto grad Zenica plaća višemilionske dugove](#), [ko je u Rukometnom savezu BiH odgovoran za gubitak 400.000 KM](#), [kako i koga zapošljava direktor Federalne uprave civilne zaštite](#) ...

[Čitajte Žurnal!](#)



Otvoren dijalog o izmjenama Zakona o javnim nabavkama BiH



Sastanak sa Radnom grupom u Konjicu, 23-25.januar 2018

Unaprijeđenje Zakona o javnim nabavkama BiH i dalje je u epicentru ACCOUNT pažnje. U saradnji sa partnerskim organizacijama Transparency International, Fond otvoreno društvo i Udruženje Tender definisane su prioritetne oblasti Zakona, čije je unaprijeđenje nužno u cilju uspostavljanja transparentnog i odgovornog sistema javnih nabavki. ACCOUNT je nastavio intenzivnu saradnju sa Agencijom za javne nabavke BiH, te inicirao dijalog sa Radnom grupom Vijeća ministara BiH koja vodi aktuelni proces izmjena i dopuna Zakona o javnim nabavkama. O ACCOUNT prijedlozima za unaprijeđenje zakonskog okvira diskutovano je na trodnevnom skupu Radne grupe, koji je održan u Konjicu, od 23-25. januara 2018. godine. Zagovaračkim aktivnostima ACCOUNT Sektorske grupe "javne nabavke", čiji je cilj unaprijeđenje legislative i sistema javnih nabavki, koordinira Udruženje CRMA.

Održan trening "Digital Security Awareness"



Data security trening

Udruženje CRMA, koje koordinira aktivnostima ACCOUNT medijske komponente, organizovalo je trening za medije i novinare na temu digitalne bezbjednosti. Obuka "Digital Security Awareness", namijenjena članicama ACCOUNT Media pool realizovana je u saradnji sa projektom "Information, Safety, Capacity"(ISC). Bezbjednija komunikacija, društvene mreže i digitalna bezbjednost, sigurnost mobilnih podataka – ključne su teme o kojima je bilo riječi na treningu, koji je održan 10. januara 2018. u Banja Luci.

Prezentovana Strategija za borbu protiv korupcije Vlade Zeničko-dobojskog kantona 2017–2019. u čijem je kreiranju učestvovao **ACCOUNT**



Prezentovana strategija ZDK

U Zeničko-dobojskom kantonu prezentovana je Strategija za borbu protiv korupcije Vlade Zeničko-dobojskog kantona 2017.-2019. Prezentaciji su prisustvovali predstavnici vlasti te predstavnici civilnog društva na čelu sa ACCOUNT-om. Istakli su da ova Strategija ima veliki značaj, a da je poseban napredak ostvario Tim za borbu protiv korupcije. Miralem Galijašević, premijer Zeničko-dobojskog kantona, naglasio je da su obaveze iz usvojene Strategije jedan od prioritarnih ciljeva Vlade, odnosno opredjeljenje svih institucija i ustanova Zeničko-dobojskog kantona u borbi protiv korupcije. Istakao je značaj zajedničkog rada i doprinosa svih subjekata, ali i koordinatora (iz ustanova i institucija na području Kantona), radi uočavanja, praćenja i kontinuiranog provođenja svih planiranih mjera prevencije. Također je naglasio da će Vlada Zeničko-dobojskog kantona staviti na raspolaganje sve stručne i materijalne kapacitete kako bi se ostvarili ciljevi iz Strategije za borbu protiv korupcije i već usvojenog Akcionog plana. Takva opredjeljenja podržala je Agencija za prevenciju korupcije i koordinaciju borbe protiv korupcije BiH ali i Fondacija INFOHOUSE.

ICVA/ U zdravstvenim ustanovama u ZDK uskoro pravilnik za borbu protiv korupcije



Stručna diskusija - ZDK

Antikorupcijska mreža organizacija civilnog društva u BiH – ACCOUNT u saradnji sa partnerskom organizacijom Inicijativa i civilna akcija (ICVA) i Timom Vlade Zeničko-dobojskog kantona za borbu protiv korupcije, organizovala je stručnu diskusiju za izradu pravilnika za sprečavanje korupcije u javnim zdravstvenim ustanovama u Zeničko-dobojskom kantonu. Diskusiji su prisustvovali predstavnici i koordinatori za borbu protiv korupcije javnih zdravstvenih ustanova u ZDK. Učesnici diskusije su u načelu prihvatili predstavljeni nacrt modela pravilnika, koji će u okviru svojih ustanova prilagoditi unutrašnjoj organizaciji i dodatno prodiskutovati u okviru Tima Vlade ZDK, sa okvirnim rokom do kraja marta 2018. Ova diskusija dio je inicijative za saradnju i zajedničko djelovanje relevantnih institucija, ustanova i organizacija civilnog društva na unapređenju institucionalnog sistema za sprečavanje korupcije u sektoru zdravstva.

Saradnja sa antikorupcijskim klubom Narodne skupštine RS







Sastanak sa PAK-om Narodne skupštine RS, Banja Luka, 5. februar 2018.


Predstavnici ACCOUNT-a (CRMA) prisustvovali su sjednici Poslaničkog antikorupcijskog kluba (PAK) Narodne skupštine Republike Srpske, koja je održana 05. februara 2018.g. u Banja Luci. Razgovarano je o realizaciji Strategije za borbu protiv korupcije RS (2013-2017), nacrtu Strategije za period 2018-2022, planu aktivnosti PAK-a u narednom periodu. Sjednica je bila prilika i za razmjenu iskustava, te detaljnije upoznavanje članova PAK-a sa ACCOUNT aktivnostima.

Interview.ba: *Borba protiv korupcije je naš imperativ i u 2018.!*

Ivana Korajlić, Saša Magazinović, Aleksandra Pandurević, Dženana Alađuz i Nedžad Korajlić govorili su za www.interview.ba.



Na Interview.ba od početka godine možete pratiti i najaktuelnije vijesti
Od početka 2018. godine, na portalu www.interview.ba možete pratiti **najaktuelnije vijesti** iz BiH, regiona i svijeta. Naši novinari i fotografi na terenu istražuju, pronalaze najvažnije vijesti i objektivno ih prenose.



KONKRETNI REZULTATI!

Objavljeni rezultati istraživanja ACCOUNT monitoring timova iz 5 oblasti

ACCOUNT monitoring timovi kompletirali su rezultate monitoringa korupcije u pet sektorskih oblasti. Podaci pokazuju generalno nizak stepen transparentnosti, učestalu praksu kršenja zakona, nedovoljno razvijene mehanizme za prijavu korupcije i provođenje antikorupcionih procedura u javnim ustanovama.

Lideri ACCOUNT monitoring timova su CRCO (zaštita zviždača), Srpski omladinski savez (zdravstvo), Justicia (javne nabavke), OC Vermont (zapošljavanje) i Helsinški parlament građana Banja Luka (obrazovanje).

Vašoj pažnji preporučujemo najnovije podatke o korupciji u javnom sektoru: [Monitoring listi čekanja u zdravstvenim ustanovama](#); [Monitoring implementacije antikorupcionih procedura u zdravstvenim ustanovama](#); [Monitoring planiranja javnih nabavki](#); [Monitoring poništenja postupaka javnih nabavki](#); [Monitoring implementacije antikorupcionih procedura i časova etike u školama](#); [Monitoring primjene antikorupcionih dokumenata u sektoru zapošljavanja](#); [Monitoring primjene Zakona o zaštiti prijavitelja korupcije u institucijama BiH](#).



OC Vermont predstavio rezultate monitoringa iz oblasti zapošljavanja

Javna preduzeća, institucije i organi vlasti imaju pravilnike o zapošljavanju, ali ne postoje transparentni mehanizmi za praćenje implementacije ovih pravilnika, pokazalo je istraživanje ACCOUNT monitoring tima u sektorskoj oblasti zapošljavanja.

“Cilj monitoringa je bio da provjerimo da li i u kojoj mjeri javne ustanove, preduzeća i organi vlasti provode antikorupcijska dokumenta i procedure. Došli smo do podataka da 81% ispitanih institucija ima Pravilnik o zapošljavanju, međutim, ne postoje transparentni mehanizmi provođenja dokumenata i procedura”, ocjenila je Adnana Muratović iz Omladinskog centra Vermont iz Brčkog, koji je lider ACCOUNT Monitoring tima “zapošljavanje”.



Nove općine, stara borba #NeKorupciji

Bihać se pridružio ACCOUNT-ovoj mreži gradova i općina u borbi protiv korupcije

Grad Bihać odlučio je da se snažnije suprotstavi korupciji, kao jednom od najvećih problema koji tišti bh. društvo i ovaj grad. Uz podršku ACCOUNT-a gradonačelnik Šuhret Fazlić očekuje da omogući transparentniji rad institucija i bolje informisanje građana o potrošnji budžetskih sredstava.

„Kada sam izabran za načelnika 2016. godine, znao sam da mi osim volje da radim dobro i pošteno, treba i neko ko mi može pomoći da sistemski pristupimo borbi protiv korupcije. Ako ste to vi, onda mi je drago da možemo saradivati“, kazao je Fazlić prilikom potpisivanja memoranduma o saradnji s direktoricom INFOHOUSE Dženanom Alađuz.

Ona je istakla da joj je drago što je gradonačelnik Fazlić prepoznao važnost borbe protiv korupcije i što je spreman da otvori vrata svim građanima koje interesuje rad uprave i ostvarivost budućeg Akcionog plana za borbu protiv korupcije.



Potpisivanje Memoranduma sa Općinom Bihać

Potpisivanjem Memoranduma o saradnji utvrđen je mehanizam rada, uključujući formiranje zajedničke radne grupe, tehničku podršku, izgradnju kapaciteta, razmjenu informacija i promociju. Sve s ciljem smanjenje korupcije i povećanja prevencije u borbi protiv korupcije na lokalnom nivou.

U proteklom periodu 28 općina je potpisalo memorandume o saradnji o izradi akcionih planova za borbu protiv korupcije na lokalnom nivou. Ovi planovi bi trebali doprinijeti većoj transparentnosti utroška budžetskih sredstava, boljoj organizaciji rada, smanjenju zloupotreba lokalne administracije ali i poboljšanju općih uslova života građana.

CGS Livno/Održana antikorupciona obuka u Neumu

Sredinom januara predstavnici CGS LIVNO, održali su obuku za članove radne grupe za izradu akcijskog plana u borbi protiv korupcije Općine Neum.

Obuku na ovom sastanku su vodili Luka Krstanović, predsjednik OV Tomislavgrad i Asmir Orman, predstavnik CGS Livno, gdje su na osnovu provedenog istraživanja među zaposlenicima općine Neum usmjerili njihov Akcijski plan i objasnili im strateške ciljeve, kako da izrade i kako će ga provesti. Također su određeni rokovi do kada bi se aktivnosti iz Akcijskog plana trebale provesti. Radna grupa je na sva postavljena pitanja dobila odgovore, tako da su obukom bili zadovoljni.



Antikorupciona obuka u Neumu

ALDI Goražde/ Općina Vogošća pridružila se ACCOUNT-u

Načelnik Općine Vogošća i predstavnica Fondacije INFOHOUSE Mirela Šuman, potpisali su, u sklopu ACCOUNT-a, memorandum o razumjevanju kao da će se ujediniti i zajedno boriti protiv korupcije u ovoj općini.

Predstavnica INFOHOUSE zahvalila je načelniku zbog spremnosti da počne sa izradom strateških dokumenata vezanih za borbu protiv korupcije na području Općine Vogošća.



Načelnik Općine Vogošća i predstavnica Fondacije INFOHOUSE Mirela Šuman, potpisivanje memoranduma o razumjevanju

ALDI Goražde / Općine Breza i Ilijaš završile analizu o antikorupcijskim inicijativama i transparentnosti rada lokalne uprave

U januaru 2018. godine popunjeni su Upitnici o samoprocjeni u Općini Breza i Općini Ilijaš. U skladu sa popunjenim upitnicima, urađene su Kvalitativna uporedna analiza upitnika o samoprocjeni lokalne uprave o antikorupcijskim inicijativama i transparentnosti rada lokalne uprave i Kvantitativna analiza upitnika o samoprocjeni lokalne uprave o antikorupcijskim inicijativama i transparentnosti rada lokalne uprave za Općinu Ilijaš i Općinu Breza.



Predstavnici ALDI Goražde i predstavnici Općine Ilijaš na sastanku

KAM Zenica/ Travnik, Visoko i Žepče kreiraju Akcione planove za borbu protiv korupcije

Sredinom februara Udruženje KAM iz Zenice organizivalo je Radionicu za dvije općine koje su kreirale Akcione planove za borbu protiv korupcije kao i one koje trenutno rade na istom dokumentu. Radionica na kojoj su učestvovali Gračanica, Usora, Travnik, Visoko i Žepče, bila je odlična prilika za razmjenu iskustava i dobrih praksi. Na radionici su, osim toga, prezentirani pojedinačni kvantitativni i kvalitativni rezultati nalaza Upitnika o samoprocjeni osjetljivosti na korupciju. Zaključeno je da je potrebno unaprijediti proces izrade budžeta, animirati građane da se aktivnije uključe u javne rasprave, te izraditi dokumente koji će biti razumljiviji građanima.



Antikoruptivna radionica za općine



ACCOUNT i sa najmlađima #NEKORUPIJI u obrazovanju

U okviru projekta *"Prevenција korupcije kroz obrazovanje: Više znanja, Vipe transparentnosti!"* realizovani su antikorupcijski časovi i/ili radionice u 6 osnovnih škola širom Federacije Bosne i Hercegovine. Među ostalim, cilj je potaknuti učenike na razmišljanje o korupciji, načinu prevencije i borbe protiv korupcije. Učenici su usvojili osnovne pojmove korupcije i antikorupcije, slušali su o pojmovima mito, podmićivanje, potkupljivanje, prevara te učili o promoviranju socijalno prihvatljivog ponašanja.

CROA Sarajevo/ Antikoruptivni forum mladih: mladi iz Tuzle, Mostara i Sarajeva ujedinjeni protiv korupcije

Krajem januara održani su sastanci timova mladih za borbu protiv korupcije u Tuzli, Mostaru i Sarajevu. Timovi mladih u narednom periodu fokusirat će se na organizovanje Foruma mladih na kojem bi se razgovaralo o uticaju antikoruptivnog obrazovanja na njihovu percepciju o korupciji. Cilj je podizanje svijesti javnosti o korupciji u obrazovanju sa akcentom na ulogu mladih u antikorupcijskom obrazovanju. Pored organizovanja Foruma, mladi će raditi i druge društvene aktivnosti u svojim lokalnim zajednicama.



NAJAVLJUJEMO:

- **INFOHOUSE i Ministarstvo pravde RS** – uskoro trening program za predstavnike Centra za besplatnu pravnu pomoć RS kojima je u fokusu djelovanja borba protiv korupcije
- **Udruženje JUSTICIJA** predstaviti će rezultate uticaja antikorupcijskih propisa i praćenja efekata Zakona o zaštiti lica koja prijavljuju korupciju u institucijama BiH
- **Udruženje KAM** - sastanci sa radnim grupama općina Gračanica, Usora, Travnik, Visoko i Žepče
- **CGS Livno** - formiranje radne grupe za izradu Akcionog plana za borbu protiv korupcije grada Bihaća,
- **CGS Livno** - monitoring rada izrade Akcionog plana za borbu protiv korupcije Općine Neum